

БАСПАҚОЖЕ
жазылу

222



ASTANA
AQSHAMY

АСТАНА



Жұсіпбек салған әндер әуеледі



Еркеғали Рахмадиев атындағы мемлекеттік академиялық филармонияның «Халық әні» бөлімі Қаз КСР Халық әртісі, Қаз КСР Мемлекеттік сыйлығының лауреаты Жұсіпбек Елебековтің 120 жылдығына арналған «Ән еркесі» концертін ұсынды.

Қазақ ән өнерінің өрлеуіне, соның ішінде халық әндері мен халық композиторлары әндерінің сакталып, заманнан заманға жетуіне Жұсіпбек Елебековтің косқан үлесі ұшан-теніз. Ән әліппесін әкесінің інісі Жақыпбек Балғабайұлынан үйреніп, кейіннен Әміре Қашаубаев, Габбас Айтбаев, Қали Байжанов салған әндерді тыңдал, өнерін шындалды. Бозбала шағында Семейдегі «Ес-Аймақ» үйірмесінде ән салып, осы труппаның концерттері мен спектакльдеріне қатысадан өнер жолын бастаған әнші Қазақ мемлекеттік драма театрында, Қазақ мемлекеттік филармониясында, «Қазақконцерт» бірлестігінде қызмет істеді. Абай атындағы опера және балет театрының «Қызы Жібек», «Айман-Шолпан» спектакльдерінде опералық партияларды орындады. Екінші дүниежүзілік соғыс жылдары концерттік бригаданың құрамында майдан даласын аралап, жауынгерлердің рухын көтерді. 1967 жылдан 10 жылдай қазір колледжге айналып, өзінің атымен аталатын эстрада-цирк студиясында шәкірт тәрбиеледі.

Мәдениет Ешекеев, Жәнібек Кәрменов, Қайрат Байбосынов, Кенжеғалы Тәшкенов, Мұратбек Жұнісбеков, Санат Әбеуов, Тұрсынғазы Рахимов, Келденбай Өлмесеков, Жұмабек Қамбаров, Амангелді Жікенов, Ғалым Мұхамедин – бұл Жұсіпбек Елебековтің бір топ шәкірттері, ұстаз ісін жалғастыруышылар. Жұсіпбек Елебеков қазақ әндерінің ішіндегі талай жауһар туындыларды шәкірттеріне үйретіп, ән көші заманнан заманға жетіп отыр.

Жұсіпбек Елебеков «Ес-Аймақта» ұлы Абайдың аузынан әндерін алғып қалған Әлмағамбет әншіден Абай әндерін үйренді. Репертуарында халық әндері, Біржан сал, Ақан сері, Балуан Шолақ, Мәди Бәпиұлы, Естай Беркімбайұлы, Жаяу Мұса, Иманжұсіп Құтпанұлы, басқа да халық композиторларының әндері болды.

Концертте сол әндердің біразын көрермендер Қазақстанның еңбек сінірген қайраткері Гүлмира Сарина, Мәдениет саласының үздіктері Нұрай Танабаев, Берік Омаров, Тельман Нұркенов, Данияр Мұқан, Әйгерім Нартүйе, халық-аралық және республикалық байқаулардың лауреаттары Өзгеріс Шеріkbай, Жақсыкелді Маясаров, Нұржан Мейірхан, Рахат Бегасылов, Алua - Қалымбекова, Айdos Онғарбай сынды әншілердің орындаудың тыңдады. Концерт барысында «Қорқыт» этноансамблі өнер көрсетті.